

# CYNGOR CYMUNED LLANDYGAI

## LLANDYGAI COMMUNITY COUNCIL

Clerc a Phrif Swyddog Cyllid  
*Clerk and Chief Financial Officer*  
**Bethan Roberts**  
Rhif Ffôn: 01248 602131  
Ebost: [CyngorLlandygai@ogwen.org](mailto:CyngorLlandygai@ogwen.org)

26 Stryd Fawr  
Bethesda  
Gwynedd  
LL57 3AE

Cofnodion Cyfarfod Cyffredinol o'r Cyngor a gynhaliwyd dros Zoom  
**Nos Fercher 21 Chwefror 2024 am 19.00**

### PRESENNOL:

Y Cynghorydd Mair Owen Pierce  
Y Cynghorydd Dafydd Owen  
Y Cynghorydd Dafydd Roberts  
Y Cynghorydd Gareth P Williams  
Y Cynghorydd Anwen Jones

Y Cynghorydd Huw Jones  
Y Cynghorydd David Roberts  
Y Cynghorydd Lowri Jones  
Y Cynghorydd Mary Hayes

1. **Croesawyd** pawb i'r cyfarfod gan y Cadeirydd, Cyng. Mair O Pierce.

**Ymddiheuriadau** gan y Cyng. Beca Roberts, Iwan Hywel a Sian Beidas.

2. **Cofnodion**

**Penderfynwyd:** Derbyn a chadarnhau cofnodion y cyfarfod a gynhaliwyd ar 18 Ionawr 2024.

3. **Materion yn codi o'r cofnodion**

- 3.1 **Llwybr Rhif 3** – Adroddwyd fod y Clerc a Cyng. Dafydd Roberts wedi cyfarfod gyda'r swyddogion llwybrau a chytunwyd y bydd Cyngor Gwynedd i edrych i mewn i'r mater. Cadarnhawyd nid oes angen newid categori'r llwybrau er mwyn rhoi arwyddion ayyb ar y llwybr. Adroddwyd fod y swyddog llwybrau wedi trio ymweld â'r brodyr sydd yn ffermio'r tir, ond nid oedden nhw adref ar y pryd – ar y gweill.
- 3.2 **Drychau traffig, Lon y Grug/Llwybr Main** – Y Clerc i gysylltu ag Andrew Gregson – ar y gweill.
- 3.3 **Seddi Gwag** – Y Clerc wedi hysbysebu'r sedd wag, dim ymateb hyd yn hyn. Os nad oes diddordeb, y Clerc i hysbysebu eto.
- 3.4 **Biniau Baw Ci** – Nodwyd fod y Cyng. Beca Roberts wedi gwneud cais am finiau newydd – un yn Sling ac un ar Lon y Grug – dim diweddariad hyd yn hyn. Cadarnhawyd fod y Cyng. Beca Roberts hefyd wedi gwneud cais am fin ar bont Penrall yn Nhregarth.
- 3.5 **Arhosfan Bws/'Pull-in Bay' Llys y Gwynt** – Y Clerc wedi holi Cyngor Gwynedd os oes modd gael arhosfan/pull-in bay ger Llys y Gwynt – dim ymateb hyd yn hyn. Adroddwyd fod y Clerc wedi danfon llythyr at bennaeth yr adran amgylchedd, Dafydd Wyn Williams, Cyngor Gwynedd i amlygu pryderon y Cyngor Cymuned am y diffyg gwasanaeth trafnidiaeth gyhoeddus yn Llys y Gwynt, ac i ofyn am gyfarfod i drafod ymhellach – dim ymateb hyd yn hyn. Diolchodd y Clerc i'r Cyng. Dafydd Owen a Dafydd Roberts am eu cymorth gyda'r mater.

- 3.6 Mynedfa Lon Las Ogwen ger Modurdy Panddy** – estynu'r linell wen a gosod 'road studs coch (Ian Morgan). Nodwyd fod y contractwyr methu cwblhau'r gwaith mewn tywydd gwlyb – ar y gweill.
- 3.7 Bont ar y ffordd B4409 ger Moelyci** – y Cyngor wedi gwneud cais am system blaenoriaeth unffordd – Nodwyd fod Andrew Gregson wedi ymgymryd ar arolwg bras o system blaenoriaeth yn yr ardal ac mae yna opsiwn i weithredu ar gynllun. Yr unig ystyriaeth oed ganddynt ar hyn o bryd (heblaw am y gost) yw na dim ond y cyngor cymuned sydd wedi codi hwn fel pryder. Nid oes yr un cwyn wedi ei dderbyn gan y cyhoedd am y problemau yr ydym wedi ei amlygu. Mae'n hanfodol bod unrhyw welliannau i'r rhwydwaith yn un ai diwygio diogelwch neu lif traffig, ac yn cynnwys tystiolaeth glir bod y cynllun am fod yn effeithiol ac yn werth am arian. Y Clerc i drafod y mater ymhellach gydag Andrew Gregson, Cyngor Gwynedd.
- 3.8 Llecyn Tir Bont Twr** - Cadarnhawyd fod y Clerc wedi cyfarfod gyda Matt Brown, Cwmni Savills ar y 26ain o Hydref. Adroddwyd fod Cwmni Breedon ddim mewn sefyllfa i drosglwyddo'r tir yn ôl i berchnogaeth y Cyngor Cymuned ar hyn o bryd, a soniwyd am y posibilrwydd o les tymor byr. Nodwyd siom y Cyngor Cymuned gyda'r ymateb hwn. Nodwyd fod y Clerc wedi ail danfon y dogfennau perthnasol at Matt Brown i amlygu fod tir mewn sylw i fod o dan berchnogaeth y Cyngor Cymuned, ac nid Breedon – dim ymateb hyd yn hyn.
- 3.9 Cysgodfan Bws, Pont Penrallt** – Cadarnhawyd fod y Clerc yn cyfarfod gyda Dafydd Wheldon Williams o Gyngor Gwynedd wythnos nesaf, i drafod y posibilrwydd o osod cysgodfan ar y bont. Hefyd, nodwyd fod y Clerc wedi amlygu pryderon trigolion lleol am y coed ger y Ganolfan, cadarnhawyd eu bod yn edrych i mewn i'r mater.

#### 4. Gohebiaeth

Pawb wedi cael copi o'r rhestr 'Crynodeb o ohebiaeth Chwefror 2024'

#### **Partneriaeth Ogwen – Cyfraniad gwirfoddol tuag at gostau annisgwyl trydan –**

Penderfynwyd gofyn i'r Bartneriaeth am adroddiad manwl o'r costau sydd yn gysylltiedig â'r llyfrgell, ac i ail gyflwyno'r eitem hwn mis nesaf.

**Gareth Llwyd, Llais Ogwan - Adroddiadau o'r Cynghorau Cymuned ar gyfer Llais Ogwan** – Penderfynwyd y bydd y Clerc yn cynnwys yr eitem hon yn ar bob agenda o hyn ymlaen, ac i'r Cyngor penderfynu pob mis beth i gynnwys ar yr adroddiad.

#### 5. Rhoddion

Penderfynwyd ail gyflwyno'r eitem hwn yn cyfarfod mis Mawrth.

#### 6. Gwaith y mis

**Glanhau cysgodfannau bws** – Penderfynwyd bydd y Clerc yn gofyn i'r Swyddog Cynnal i lanhau'r cysgodfannau o fewn Mynydd Llandygai a Tregarth.

**Llwybr o amgylch y Ganolfan** – Nodwyd fod y Cyng. Dafydd Owen wedi gofyn i'r contractwr ddod allan i lanhau'r llwybr o amgylch y Ganolfan.

**Problemau Baw Ci** – Nodwyd fod llawer o faw ci ar hyd Ffordd Tanrhiw yn Nhregarth, nodwyd fod angen i bawb adrodd drwy wefan Cyngor Gwynedd os oes problemau yn eu hardal. Y Clerc i adrodd i Gyngor Gwynedd am y problemau ar Ffordd Tanrhiw.

#### 7. Adroddiad Cynrychiolwyr

**Diwrnod Agored Yr Hen Bost, Bethesda** – Adroddwyd fod y Cyng. Mair Pierce a Dafydd Roberts wedi mynychu'r diwrnod agored, roedd yn ddiwrnod llwyddiannus iawn.

**Webinar Gwylio Cyflymer Cymunedol** – Adroddwyd y Clerc ei bod wedi mynychu'r webinar am gynllun gwylio cyflymder cymunedol. Cytunwyd bydd y Clerc yn cylchredeg y wybodaeth allan i'r aelodau. Cyng. Mary Hayes i ddanfôn y wybodaeth ymlaen at bennaeth Ysgol Bodfeurig.

## 8. Adroddiad Ariannol, Rheoli Risg a Gweinyddu

8.1 Yn anffodus nid oedd yn bosib cylchredeg yr adroddiad ariannol y mis hwn oherwydd nid oedd gan y Clerc fynediad at y cyfrifon ar y we. Pan fo mynediad yn bosibl, cytunwyd y byddai'r Clerc yn anfon yr adroddiad allan drwy e-bost.

## 9. Taliadau

Awdurdodwyd y taliadau canlynol:

|                    |                                    |           |
|--------------------|------------------------------------|-----------|
| Partneriaeth Ogwen | Cyfraniad costau rhedeg Llyfrgell  | £1,386.20 |
| Geiriau Gwyn       | Cyfieithu cyfarfod Gorffennaf 2023 | £96.00    |

## 10. Penderfyniadau Cynllunio

### C18/0767/16/LL

Coed Wern, Glasinfryn  
Datblygiad llety gwyliau (cynllun diwygiedig) sy'n golygu:- Gosod sylfeini ar gyfer cabannau gyda decio cysylltiedig. Gosod sylfeini ar gyfer podiau glampio. Seilwaith cysylltiedig i gynnwys ffyrdd mewnol, mannau parcio, systemau draenio cynaliadwy ynghyd a draenio dwr aflan. Tirlunio meddal a chaled gan gynnwys torri rhai coed, cadw coed ac ymgymryd a gwelliannau i'r goedlan presennol. Codi derbynfa/adeilad gwerthiant ynghyd ac ail-orchuddio'r adeilad presennol a'i ddefnyddio fel hwb e-beicio gyda pwyntiau gwefru trydan.  
**Penderfyniad:** ar y gweill.

### C23/0728/16/LL

Cae Clyd Dob, Tregarth  
Codi annedd teuluol  
**Penderfyniad:** ar y gweill.

### C23/0818/16/LL

Carreg Hafan, Tregarth  
Cais cynllunio llawn ar gyfer isrannu ac ymestyn eiddo presennol er mwyn darparu 3 fflat byw â chymorth hunangynhwysol gydag ardaloedd cymunedol ar gyfer staff a thenantiaid  
**Penderfyniad:** Caniatwyd gydag amodau

### C23/0849/16/LL

Parth 7 Parc Bryn Cegin, Llandygai,  
Codi unedau diwydiannol newydd

|                                |                                                                                                                                                                                                                                                                                                                                   |
|--------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                | <b>Penderfyniad:</b> ar y gweill.                                                                                                                                                                                                                                                                                                 |
| <b>C23/0844/16/AM</b>          | Parth 7 Parc Bryn Cegin, Llandygai<br>Datblygu 4 uned fasnachol (amrywiol o ran maint) yn cynnwys mynediad newydd i gerbydau a cherddwyr gyda maes parcio.<br><b>Penderfyniad:</b> ar y gweill.                                                                                                                                   |
| <b>C23/0901/16/CT</b>          | 19 Llwybr Main, Mynydd Llandygai<br>Gwaith i goed mewn ardal gadwraeth yng ngardd cefn 19 Llwybr Main, Mynydd Llandygai.<br><b>Penderfyniad:</b> Cefnogi                                                                                                                                                                          |
| <b>C23/0918/16/LL</b>          | Fferm Tan y Foel, Rallt, Pentir<br>Codi annedd gweithiwr amaethyddol a thanc septig cysylltiedig ynghyd a gwaith tirlunio<br><b>Penderfyniad:</b> Ar y gweill.                                                                                                                                                                    |
| <b>C23/0892/16/CT</b>          | Gwalia, 1 Bryn Eglwys, St Anns, Mynydd Llandygai<br>Gais i dorri 6 coeden o fewn ardal cadwraeth<br><b>Penderfyniad:</b> Caniatawyd heb amodau.                                                                                                                                                                                   |
| <b>C24/0004/16/LL</b>          | Land at Maes Talog, Tregarth<br>Codi annedd marchnad agored sengl deulawr a garej ddwbl ar wahân.<br><b>Penderfyniad:</b> ar y gweill.                                                                                                                                                                                            |
| <b>C23/1019/16/YA</b>          | Rhes Amana, Y Gefnan, Mynydd Llandygai<br>Adeilad amaethyddol at bwrpas cadw offer a storio peiriannau a phorthiant anifeiliaid.<br>Maint arwynebedd llawr 12m x 8m.<br><b>Penderfyniad:</b> ar y gweill.                                                                                                                         |
| <b>11. Ceisiadau Cynllunio</b> |                                                                                                                                                                                                                                                                                                                                   |
| <b>C24/0064/16/AC</b>          | 14 Y Gefnan, Mynydd Llandygai<br>Cais i ddiwygio amod 2 (Cynlluniau a gymeradwywyd) o ganiatâd C23/0777/16/DT, ar gyfer estyniad llawr cyntaf newydd yn y cefn ynghyd ag ardal to fflat newydd gydag atriwm, er mwyn caniatáu diwygiad i'r dyluniad i godi uchder to'r estyniad 400mm.<br><b>Penderfyniad:</b> Dim gwrthwynebiad. |
| <b>C23/1026/16/DT</b>          | 33 Tan Y Bwlch, Mynydd Llandygai<br>Trosi rhan o adeilad allanol yn anecs.<br><b>Penderfyniad:</b> Dim gwrthwynebiad, ond angen i'r amodau nodi yn glir mai "atodiad"                                                                                                                                                             |

(annexe) i'r prif dŷ yw hwn - rhag ofn iddo gael ei addasu yn "Air B&B" (neu rhywbeth tebyg) yn ddiweddarach.

**C24/0095/16/RA**

Breedon, Chwarel Penrhyn  
Cais ar gyfer rhyddhau amodau 11  
(Mesuriadau osgoad rhesymol i warchod  
ymlusgiaid) , 33 (Adroddiad monitro Gwaun  
Gynfi), 34 (Sustem draenio dwr wyneb) a 38  
(Cynllun rheoli/strategaeth cynnal  
archeolegol) o ganiatâd cynllunio cyfeirnod  
C22/0327/16/AC

**Penderfyniad:** Dim gwrthwynebiad gyda sylwadau.

**C24/0071/16/LL**

Cnc Fuels Parc Bryn Cegin, Llandygai  
Codi 10 uned ddiwydiannol, mynediad  
newydd, parcio a thirlunio.

**Penderfyniad:** Dim gwrthwynebiad.

**C23/0930/16/CR**

Cororion Cottage Lôn Y Wern, Tregarth  
Gosod dau ffenestr to ar gefn yr adeilad

**Penderfyniad:** Cefnogi

**C24/0048/16/LL**

Ynys Ganol, Mynydd Llandygai  
Adeiladu Menage gydag arwyneb tywod a  
ffibr gyda ffensys Post a Rheilen o'i amgylch  
ar gyfer defnydd preifat yn unig.

**Penderfyniad:** Dim gwrthwynebiad.

## **12. Unrhyw fater brys arall**

**Gwasanaeth 67S Dydd Sul** – Adroddwyd fod y gwasanaeth hwn yn darfod ar y 25ain o Fawrth. Nodwyd bydd y gwasanaeth T10 dal i redeg ar ddydd Sul, ond ei fod ddim yn mynd drwy Rachub a Tregarth. Y Clerc i holi am y posibilrwydd o greu arhosfan bws ar 'Bont Halfway', oherwydd nid oes arhosfan o gwbl rhwng Bethesda a'r Bryn ger pentref Llandygai, felly nid oes modd i drigolion Tregarth defnyddio'r gwasanaeth. Y Clerc i drafod hyn gyda Dafydd Wyn Williams, Cyngor Gwynedd, yn dilyn ein cais am gyfarfod ynglŷn â Llys y Gwynt (uchod).